

EDIMEK ÑWAN-NDỌ

Genesis 24:1-33

ỌYỌHỌ UKPEP-ÑKPO 12

Eke Ikpo Owo

IKỌ IBUOT: “Adaña owo nte Spirit Abasi adade mmọ usuñ, mmọ oro edi nditọ Abasi” (Ñwed Mbon Rome 8:14).

I Utom Emi Abraham Ọkọdọnde Eyen Ufọk Esie

- 1 Abasi ama ofori Abraham, Genesis 24:1; Psalm 1:1-3
- 2 Enye ama ekere abaña ufọn Isaac, Genesis 24:2-4
- 3 Enye otim onim ete Abasi eyenam eñwọñọ esie osu ofuri-ofuri, Genesis 24:5-7; Ñwed Mbon Philippi 1:6
- 4 Ke ama ọkọkpoñ isọñ idiok-ñkpo ye ukpono ndem, enye ọfiok ete ke ñkpo ndik odu ke ndifiak ñka do, Genesis 24:6, 8; 2 Peter 2:20; 3:17
- 5 Eda uñwọñọ, Genesis 24:9

II Eyen Ufọk Abraham Anam Akpanikọ Ọnọ Ete Ufọk Esie

- 1 Enye edi owo emi ebuotde idem ye enye, okop item ke kpukpru usuñ, Genesis 24:10; 1 Samuel 15:22; Matthew 7:21; Eriyarare 22:14
- 2 Enye edi owo emi ọbọnde akam, onyime Abasi, odot enyin ke Abasi ndida enye usuñ, Genesis 24:11-14; Mme Ñke 3:6
- 3 Enye ọbọ utip oto iberedem esie ke Abasi, Genesis 24:15-21; Psalm 73:24

III Eridara Esie Ke Ufọk Nditọ Ete Abraham

- 1 Enọ Rebekah mme ñkpo mbanidem, Genesis 24:22; Eriyarare 21:2, 9, 10
- 2 Eyen ufọk Abraham okut idiọñọ ke idem Rebekah. Rebekah onyuñ ọdiọñọ enye oto ke edituak ibuot ntoro Abasi, Genesis 24:23-28
- 3 Eneñere edara edidi eyen-ufọk Abraham, Genesis 24:29-32
- 4 Ọnọ mbubeche ete ufọk esie akpa ifet akan kpukpru ñkpo eken, Genesis 24:33; John 17:13, 14

SE EKPEPDE EBAÑA

Isaac Eyen Abraham

“Ke Isaac ke edikot ubon fo” (Genesis 21:12). Isaac ekedi eyen eñwọñọ emi ekenode Abraham ke mbuotidem ke enye ama ekebet ke isua 25. Ekeyomo Isaac ke mbuotidem ebe ke odudu Abasi. Enye ekedi andida eñwọñọ oro nnyene ete ke edito ke enye kpukpru oruk ererimbot eyekut ufọn. Ema ayak enye enọ Abasi nte uwa, ndien nte ekpetiñde ema enam enye eset ke mkpa. Enye ekedi eyen ima ete esie ye andidia kpukpru se enye ekenyenede. Abraham okpokut ñwan ke mmọñ ọnọ eyen esie Isaac?

Jesus Eyen Abasi

Ukpono ndidi ñwan ndọ nnọ enye emi akamanade ke utibe usuñ oduk ke ererimbot okpokpon nte okpokpon, se ikponde ikan edi ifet ndidiana kiet ye Mkpasip eñwọñọ, emi ekeyomode eto ke Edisana Spirit, onyuñ “edi mbiet Abasi emi enyin owo mikwe; Abasi okobon Enye ete edi Akpan, ndien edibot ofuri ererimbot. Koro ke Enye ke ekebot kpukpru ñkpo ke enyọñ ye ke isọñ, se enyin owo okutde ye se enyin owo mikwe, mme mmọ edide ndidem, mme edide mbọñ, mme edide mme andikara, mme edide mme ada-idaha; ekebot kpukpru ñkpo oto ke Enye, enyuñ ebọt kpukpru ñkpo enọ Enye Ndien Enye ebem kpukpru nkpo Iso odu, kpukpru ñkpo enyuñ ekpaha ediana ke Enye” (Ñwed Mbon Colossae 1:15-17). Edida mmọñ Ñwan-ndọ enọ eyen Edidem ubọñ emi akatabide mkpa ke ibuot kpukpru owo, onyuñ ọwọrọ nte Andikan mkpa ye Andibiat Udi?

Eliezer, Eyen-Ufok Abraham

Mbemiso Isaac amana, Eliezer owo Damascus, eyen-ufok emi ekemanda ke ufok Abraham, ekedi adia-akpa. Enye ekedi anam akpanikọ koro enye akakara kpukpru se Abraham ekenyenede. Ke emi ke enyin ndusuk owo, owo emi ikpedighe nkpo efen ikan ofin, edi yak ikere ibana ite ke ini kiet Abraham ama otim nditọ ufok esie emi ekemide owo 318 idem ke nkpo ekon ọworo akañwana onyũ akan mme ndidem ina. Ke ntre ekeme ndidi Eliezer ekedi akwa ada usu, akwa owo ekon ye ese nkpo ufok esie. Ekedi kpa eyen ufok emi, emi ekedide andikpon nkan ke Abraham okokot ke ini enye okoyomde emek nwan-ndọ enọ Isaac. “Afo ududaha nwan unọ eyen mi ke otu nditọ-iban mbon Canaan emi ami nduñde ke otu mmọ: edi ke afo eyeka ke ison oro nkotode, ye idut emana mi.”

Edisana Spirit

Ke Christ ama okodok ke enyon, Edisana Spirit ama osuhore odoro owo 120 ke ubet enyon. Mmọ emi ekedi mbet Christ, ema enyũ enam esit mmọ esana, koro mmọ ekedude ke esit Kiet. Owo ikonho Edisana Spirit esok ererimbot, edi ekeno esok oruk Christ kpa mmọ emi Abasi okobonde, ekenyũ enamde mmọ esana ofuri-ofuri. Jesus odoho ete: “Nyenyũ mbeñe Ete, ndien Enye eyeno mbufo Iberedem efen, man Enye edidu ye mbufo ke nsinsi; kpa Spirit akpanikọ, emi ererimbot mikemeke ndida, koro mmọ mikwe Enye minyũ idihoñke Enye: edi mbufo emedioñ Enye, Koro Enye ododu ye mbufo, eyenyũ odu mbufo ke esit” (John 14:16, 17). Edi akpanikọ nte ke Spirit Abasi ododu ke ererimbot ndibiom mme owo ikpe ke mme idio-knkpo mmọ; edi Enye ododu ye mme andinim ke akpanikọ ye ke esit mmọ emi ema ekebọ enọ Edisana Spirit. Ke otu mmọ emi Enye oduñde ke Temple esit mmọ, Enye edi iberedem, Andikpep, ye Ada-usu. Enye idaha Nwan-ndọ ke otu mbon ererimbot edi osio ke Ufok Abasi, ke otu mmọ emi “ekotde esio.”

Nkop-Item Emi Otode Erinyime Esit

“Ndien owo oro odoho enye ete, Ndusuk nwan oro idimaha nditiene mi ndi ke idut emi: nte nda eyen fo nka ke idut oro afo okotode ke esit? Ndien Abraham odoho enye, ete, kpeme idem fo mbak afo edida eyen mi afiak ko.” Christ ididighe aba ke ererimbot emi nditim Nwan-ndọ nno Idem Esie. Abasi okono Edisana Spirit ndinam utom oro. Enye etetiñ ke esit oro minyimeke Enye, anam mmọ efio ikọ Christ. Ke Christ edidide ndisobo ye Nwan-ndọ Esie, ididighe aba Enye ndisaña ke ison nte ekedide ke akpa edi Nwan-ndọ eyedaha ekesobo ye Enye ke ofum. Kpa mmọ oro enyimeke ndisaña suñ-suñ ntiene uyo Spirit ikpon-ikpon edidu ke mbeñidem ke usen oro. “Ekunyuñ eyat Edisana Spirit Abasi esit, emi edi ke Enye ke ema efik mbufo idioñ ebeñe usen erifak” (Nwed Mbon Ephesus 4:30).

“Edi nwan oro minyimeke nditiene fi ndi, afo eyeboho unwoñ mi emi.” Spirit Abasi oyom uwem nkan idem, ediyak idem ke usen ke usen ye edisana uwem, edi Nwan-ndọ enyene ndinyime “Spirit mi idinwanake . . .” (Genesis 6:3). Owo kiet kiet enyene ndidoho “Ka okwo,” ndien eyeboho unwoñ emi. Edi nso idi emi afo esinde ntre mfefere-mferere? Nte amabat ekom urua esie?

Oruk Abraham

Ye unwoñ emi ke esit esie okoro ye ifio ete ke imọ inyene ndikpek nwan-ndọ onyime ndisaña anyan isan otoñode ke Mesopotamia tutu okosim Canaan, eyen ufok Abraham ada nti ndiye eno emi etode ufok unim-nkpo ete ufok esie odori ke camel duop. Ete ufok esie ekedi enyene nkpo owo, okonyũ edi owo emi ekemada eti-eti, ke ntre nwan eyen esie ikanaha edi ntre-ntre añwan, edi enye emi eyede onyũ ofonde akan. Esit eyen ufok emi eneme ye Abasi, ebeñe ete Abasi ada imọ usu ke ndimek nwan-ndọ ke otu oruk Abraham oto ke unyime esit ndinam utom emi. Enye otoñ ke usu emi ekenende, anam se enye ekekemede ndien ayak se isuhode ono Abasi. Mbemiso enye etre akam esie, iboro ama edi ndien eyen añwan onyũ obionore ke obube mmọ. Enye akanam ikofioke erenowo, eye ndise onyũ onyime ndinam utom, edi, enye obup ete “Afo edi eyen anie?”

Obufa Eman

Owo ekemne ndinyime tutu osim idaha eke enye onode idem esie ete efop ke ikañ, edi iduhe ke ubon Christ. Utom ikpon-ikpon ikemke; edi ke obufa eman ikpon-ikpon ke owo enyene Christ. Emekeme ndidi andikara edi man odok obio ubon Abasi “afo enyene nditoh ntak mmana.” Ediwak owo eyedoho ke usen oro, ete, “Obon, Obon, nte nnyin . . . inyũ idaha enyĩ fo inam ediwak nkpo odudu?” Se edikopde edi “Akananam ndioñke mbufo: edianare Mi” (Matthew 7:22, 23). Afo edi eyen anie? Anie enyene fi?

Ufan

Ɗkpọ efen eke asañutom oro okoyomde ndifiok ekedi, “Nte ebiet eke nnyin idañde mmọdo . . .?” Nte nnyin iyekot esenowo efen ke ini ufok nnyin ama oyohọ ofuri-ofuri? Solomon etiñ ete “Sese, enyọñ ye ata enyọñ ikemke fi: ñwawāwa edi nso ufok emi mbọpde! (2 Chronicles 6:18). Ntre ke edi ye ufok emi edade mbat enam, ke nditim ntiñ, ekpři akaha. Edisana Spirit onyime ndibe nduk ke ata usuhọre ebiet, edi enye enyene ndisana onyuñ ana ukpọk Jesus akakpa man anam ufok Abasi Esie asana. Ɗkukure se nnyin ikemede ndinam edi, ndisio uwem obukidem mfep man Edisana Spirit enyene ufañ ndiduñ. Yak ikpọnọre kpukpru uduak esit nnyin inim man Enye ada nnyin usuñ. Yak nnyin isuhọre idem man Enye edi Andikpep nnyin. Yak nnyin ifre ibaña idem nnyin man Enye ada mme ñkpọ Christ owut nnyin.

Udọñ ke esit eyen ufok Abraham ndinam se ekedọñde enye ikayakke enye adia ñkpọ tutu enye etiñ se ekedọñde enye. Nte afo ke mfin emi, omokut udọñ eke odude ke ikot Spirit ye ufọn ñwan-ndọ ndidu ke mbeñidem?

MME MBUME

- 1 Nso ikedi edu ukpono ke isọñ emi Abraham okoduñde?
- 2 Nso ikedi ntak emi Abraham mikoyomke Isaac okọdọ ñwan ke Haran?
- 3 Nso ikedi uwem eyen-ufok Abraham ke abaña Abasi?
- 4 Nso inam idọhọde ite ke eyen-ufok emi ekedi mbiet Edisana Spirit?
- 5 Rebekah akanam didie ofiok mme enye ekedi eyen-ufok anie?
- 6 Nso odudu ke Abraham okonọ eyen ufok esie? enye okonyuñ etre odudu esie ke mmọñ ke abaña inyene Abraham?
- 7 Anie ekedi Laban?
- 8 Nte eyen ufok Abraham akasaña ikpọñ aka utom emi ekedọñde enye?
- 9 Nso ñkpọ ntim-idem ke mbio ufok Rebekah ekenam man mmọ ekop inem?
- 10 Nso idi ndusuk ido Isaac emi ebietde eke Christ?